

节孝小引

夫子繫易于恒之六五曰妇人贞吉从一而终也曲台记曰信事人也信妇德也一与之齐终身不改故壶政之修可式巾幗节孝之励足挽纲常恭逢我 国家与教化善风俗节妇与忠臣并重建石坊立祠宇典至隆而恩至渥也家谱中独畧而不载可乎兹于我房淑德芳行贞操苦节无论现在已往已 旌待 旌或向来沉沦未获呈讲者俱为录其实行详其本末登诸简编以诏将来于以厚人伦而励志节或庶几其有裨乎然亦必本诸见闻访诸父老类皆信而有徵非敢有所铺张扬厉于其间耳

